



eKAB-Nr.: 00.126.974

Stelle: Regierung Graubünden

Rubrik: Kantonale amtliche Publikationen / Inkrafttreten

Veröffentlicht: 06.05.2025

Lescha da taglia per il chantun Grischun

Il text da la revisiun parziala da la Lescha da taglia per il chantun Grischun dals 3 da december 2024 è vegnì publicà ils 11 da december 2024 en il Fegl uffizial chantunal (eFUC nr. 00.116.295). Questa revisiun parziala suttasteva al referendum facultativ.

Il termin da referendum è scadì ils 11 da mars 2025. Entaifer quest termin n'èn vegnids inoltrads nagins referendums. Perquai ha la Regenza concludì ils 22 d'avrigl 2025 da metter en vigur la revisiun parziala da la Lescha da taglia per il chantun Grischun dals 3 da december 2024 per il 1. da schaner 2026.

En num da la Regenza

Il president: Marcus Caduff

Il chancelier: Daniel Spadin



eKAB-Nr.: 00.116.295

Stelle: Grosser Rat Graubünden

Rubrik: Kantonale amtliche Publikationen / Fakultative Referenden

Veröffentlicht: 11.12.2024

Lescha da taglia per il chantun Grischun

Referendum facultativ

Scadenza dal termin per il referendum: 11 da mars 2025

Lescha da taglia per il chantun Grischun

Midada dals 03-12-2024

Relaschs tangads da questa fatschenta (numers dal DG)

Nov:	—
Midà:	720.000
Aboli:	—

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala,

sunter avoir gì invista da la missiva da la Regenza dals 13 d'avust 2024,

concluda:

I.

Il relasch "Lescha da taglia per il chantun Grischun" DG **720.000** (versiun dals 01-01-2025) vegn midà sco suonda:



Art. 97abis (nov)

Cumpart da las vischnancas a la taglia complementara da la Confederaziun

¹ Las vischnancas survegnan – senza intents fixes – 25 pertschient da la taglia complementara da la Confederaziun, che va a favur dal chantun; questa taglia complementara resulta da l'imposiziun minimala da taglia da grondas gruppas d'interpresas multinazionalas.

² Lur cumpart vegn tramessa vinavant ad ellas suenter l'entrada dal pajament, e quai mintga mez onn ed en proporziun da las taglias sin il gudogn ch'èn vegnidas incassadas per ellas tenor l'artitgel 97a'.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa revisiun parziala è suttamessa al referendum facultativ.

La Regenza fixescha il termin da l'entrada en vigur.

En num dal Cussegl grond:

La presidenta: *Silvia Hofmann*

Il chancelier: *Daniel Spadin*

Data da publicaziun: 11 da december 2024



Kantonsamtsblatt
Fegl uffizial chantunal
Foglio ufficiale cantonale

Scadenza dal termin per il referendum: 11 da mars 2025